



Inatsisartuni ilaasortaasumut, Michael Rosing-imut, Demokraatit

Qimmit qitsuillu chip atorlugu ilisarnaasernerqartarnissaat pillugu Michael Rosing-imut Demokraatineersumut allakkatigut akissut

26-05-2014

Suliap normua. 2014-099812
All. nr. 1578154

Inatsisartut suleriaasianni § 37 naapertorlugu qimminik qitsunnillu chip atorlugu ilisarnaasersuisarnissamik Naalakkersuisut eqqussinialernersut pillugit apeqquteqarputit, taamaassimappallu Kalaallit Nunaanni nakorsaatinik kapisisartut qimminik qitsunnillu chip-imik ilisarnaasersuisarnissaannut ilinniarteqqittariaqarnersut apeqqutigalugu. Apeqqutigineqartoq uannit akineqartussanngorlugu nassiunneqarpoq.

Postboks 269

3900 Nuuk

Oqarasuaat (+299) 34 50 00

Fax: (+299) 34 63 55

E-mail: uumasut@nanoq.gl

www.naalakkersuisut.gl

Naalakkersuisunut apeqqut 1:

Naalakkersuisut pilersaarutigaaq qimminik qitsunnillu meqqiliisalernissaq?

Akissut:

Aallarniutigalugu erseqqissartariaqarpoq ilisarnaat inatsisitigut pisussaaffiusoq uumasunut allanut assigiimmik race-qatigiinnut tunniunneqarsinnaananilu kapisissutaaqqusaanngimmat, tamannalu aamma qimuttunut atuuppoq. Taamaakkaluartoq Naalakkersuisunit maluginiarneqarpoq qulaani pineqartumut tunngatillugu eqqunngitsuliortoqarsinnaanera pinngitsoortinneqarsinnaanngimmat.

Taamaammat periarfissaqaleriarpat qimminik qitsunnillu chip atorlugu ilisarnaasersuisalernissaq pillugu malittarisassanik eqqussinissaq suliarineqartussaavoq.

Chip atorlugu ilisarnaasersuisoqarnissaanut piumasaqaatinik eqqussisoqassappat nalunaarsuiffimmik pilersitsisoqartariaqassaaq paasissutissanik tamanik toqqorsiviusinnaasunik ingerlaavartumillu nutarteriffiqarsinnaasunik. Taamatut aqqissuussinikkut qimmeq qitsuulluunniit tammarsimassappat qimmip qitsuulluunniit piginnittua nassaarineqarsinnaassaaq. Tamatuma saniatigut qimmit qitsuillu perlerornermut inatsisitigut pisussaaffiusumik kapitissimanersut paasiniarlugu nalunaarsuinermit suliaqarneq ajornannginnerulersussaavoq.

Taamaakkaluartoq erseqqissarneqassaaq chip-imik ilisarnaasersuisarneq ajornaatsuinnaaneq ajormat, taamaaliornikkummi kapuut mikinngitsiq pineqarmat uumasumullu atortumik allarluinnarmik ikkussisoqarnera pineqarluni. Eqqortumik kapisisoqarsimangippat uumasooq pisariitsuunngitsumik suliarineqartussanngortussaavoq, soorlu pilattaaneq aqqutigalugu imaluunniit nakorsaasersuinikkut.

Tamakku saniatigut peruserineqartoq annertuumik aningaasartuutaasussaavoq, qimminik qitsunnillu piginnittuunnaangitsoq, kisianni aamma atortussat pissarsiarineqartussat eqqarsaatigalugit, taakkumi pisiarineqaaqqaartussaapput ilisarnaatip ikkunnissaa atuarneqartarnissaalu eqqarsaatigalugit. Atortussanut ilinniartitsinissanullu aningaasartuutaasussat saniatigut qitiusumik paasissutissanut toqqorsiveqarnissaa pisariaqarpoq, tassani qimminut qitsunnillu paasissutissat attuumassuteqartut nalunaarsorneqarsinnaassammata ingerlaavartumillu nutarneqartarlutik. Massakkorpiaq tamakkiisumik ingerlasinnaasumik qitiusumik nalunaarsuiffeqarnanilu paasissutissanut toqqorsiveqanngilaq. Nalunaarsuiffiup taamaattup ingerlannissaanut sulisussat immikkut ittut pisariaqartinneqartussaapput.

Naalackersuisunut apeqqut 2:

Taamaassimappat Naalackersuisut sulissutigerusunnerlugu kapisisartut ilinniarteqqinneqarnissaat qimminik qitsunnillu meqqiliisinnaangortillugit?

Akissut:

Kalaallit Nunaanni uumasut nakorsaasa ikippallaarneri pissutaallutik Kalaallit Nunaanni Uumasunut Nakorsaqaqfik Inuussutissalerinermullu Oqartussaasut sulisut sulianik allanik suliaqartut chip atorlugu ilisarnaasersuisarnissamik suliaqartussat ilinniartinneqarnissaannut periarfissanik ujarlilersimapput.

Massakkorpiaq aqqissuussineq kommunini kapuuisartut atorfillit atorlugit ingerlanneqarsinnaavoq, taakkualu qimminik qitsunnillu kapuinerit pillugit paasissutissanik nalunaarsuisarnissaat tamakkiisumik ingerlanneqanngilaq. Arlaleriartumik paasissutissanik nalunaartoqarneq ajorsimavoq imaluunniit paasissutissanik amigartunik nalunaaruteqartoqartarsimalluni. Tamakku saniatigut kommunini kapuuisartut arlallit ilinniagaqarsimanngillat uumasunullu qanillisinnaanermik amigaateqarlutik. Uumasunut Nakorsaqaqfik Inuussutissalerinermullu Oqartussaasut aqqissuussineq nalilersoqqillugu aallartissimapput, aqqissuussinermillu pitsaanerusumik nassaarnialersimallutik, tamatumani suliatigut ilinniarsimanissaq uumasunullu qanillisinnaanissaq piumasarineqartussaalluni. Tamanna peqatigalugu danskit qimminut qitsunnillu nalunaarsuiffiannut ilaasumik qimminut, qitsunnut, pasinut, chip atorlugu ilisarnaasersuisarnermut kapuuisarnermullu qitiusumik nalunaarsuiffeqalernissamut aqqissuussineq eqqunneqarsinnaalissaaq.

Aqqissuussineq siullermik qimuttoqarfiit avataanni atorneqalissaaq. Tamatuma kingorna aqqissuussineq nalilerneqassaaq, tamatumalu kingorna qimuttoqarfinni eqqussinissaq pillugu pilersaarummik aallartitsisoqassalluni.

Inussiarnersumik inuulluaqqusillunga
Med venlig hilsen

Finn Karlsen